

L'Euroregion, bastir un futur resilient d'aquí a 2030



EUROREGIO*

Pirineus Mediterrània
Pyrénées Méditerranée
Pirineos Mediterráneo



Generalitat
de Catalunya



GOVERN
ILLES BALEARS



La Région
Occitanie
Pyrénées - Méditerranée

L'Euroregion Pirenèus-Mediterranèa

Bastir un futur resilient d'aquí a 2030

Territòri de cooperacion, innovant e obèrt, l'Euroregion Pirenèus-Mediterranèa agís dempuèi mai de 15 ans per crear de ponts entre nòstres territòris, portar de projèctes comuns al servici dels ciutadans e faire ausir lor votz a l'escala europèa.

Estructurada en Gropament Europèu de Cooperacion Territoriala dempuèi 2009, l'Euroregion Pirenèus-Mediterranèa a mostrat sa capacitat a mobilizar los actors de son territòri dins de domenis claus coma l'economia, l'innovacion, la recèrca, l'ensenhament superior, la cultura, lo turisme o encara l'environament. La Generalitat de Catalonha, lo Govèrn de las Illas Balearas e la Region Occitània / Pirenèus-Mediterranèa, de per lor istòria e lors valors comunas, lors ambicions crosadas, vòlon contunhar, amb l'Euroregion, la construccion d'un pòl de cooperacion de referéncia al caireforc d'Euròpa e al còr de la Mediterranèa.



© Govèrn de les Illas Balearas

Dins un contèxte de crisi ligat notadament a las urgéncias climaticas e environamentalas, nòstres territòris e en particular los mai vulnerables coma actualament nòstras isclas e nòstras montanhas constituïsson los punts del planeta entre los mai tocats pel rescalfament global : aquí, lo climat càmbia 20% mai lèu qu'ont que siá sul glòbe. A totes los nivèls, s'agís doncas de prene en urgéncia de mesuras conjuntas per lutar contra lo cambiament climatic e sas repercussions.

Tanben, fàcia als desfises d'una politica europèa novèla, d'un contèxte economic e environamental mondial novèl, l'Euroregion deu constituir una

muralha contra lo replec sus se e la pujada dels populismes pertot en Euròpa. En efèit, la crisi economica nos tòca dirèctament e torna metre en causa nòstre modèl actual. La pandemia de la COVID a escobat totes las certituds qu'aviam e torna metre en question nòstre modèl social e economic. De sectors entièrs son estats tocats e se devon ara tornar bastir, trobar de solucions a cort, mejan e long tèrme. Nòstra Euroregion se deu de propausar de solucions innovantas e d'acompanhar son economia cap a aquesta transicion en tot manténer son dinamisme. Es mai que jamai necessari de s'obrir e de cercar de solucions comunas per faire viure lo projècte europèu al dintre de nòstres territòris en i tot associar los ciutadans.

Per relevar los desfises creissants e globals als que fan fàcia nòstras regions, l'Euroregion deu obrar, coma o fa dempuèi sa creacion, amb una vision europeïsta e mediterranèa e mostrar tota la maivalença de son accion euroregionala. Obrís una etapa novèla de longa durada e inscriu son accion dins un encastre mondial, europèu e mediterranèu que propausa ja d'orientacions fòrtas a través dels Objectius del Desvolopament Durable de l'ONU, del Pacte Verd europèu, d'una Euròpa adaptada a l'èrra numerica o encara de politics de coesion.

Lo Govèrn de la Generalitat de Catalonha, lo Govèrn de las Illas Balearas e la Region Occitània / Pirenèus-Mediterranèa definisson una **fuèlha de rota novèla 2021-2030**, fixada a l'escala euroregionala, que nos deu permetre de trobar de solucions comunas a de problèmas partejats, de contunhar nòstra accion e de se fixar un cap ambiciós, qu'obrís la via a la resiliéncia ; un cap en mesura de respondre als desfises climatics, ecologics, socials, culturals, democratics e economics.

Amb aquesta fuèlha de rota dins l'amira 2030, l'Euroregion Pirenèus-Mediterranèa vòl doncas amplificar son ròtle d'actor clau dins la construccion d'una Euròpa dels territòris, innovanta, durabla e solidària dins la que los principis de subsidiaritat e de governança multinivèl son a l'ora d'ara mai importants que jamai. Aital, constituís la garantida :

D'un aprendissatge per l'**escambi** entre nòstras institucions, los ciutadans, las empresas e l'ensemble dels actors dels nòstres territòris,

D'un trabalh comun per crear **un espaci d'oportunitats e d'innovacion**,

D'una cooperacion renfortida per promòure una **Euròpa sociala e solidària**.

Per aquò l'Euroregion se fixa una fuèlha de rota 2021-2030 amb 4 prioritats e 12 objectius estrategics :

1. Respondre a las urgéncias climaticas e ambientalas e accelerar la transformacion ecologica e energetica de nòstres territòris.

1.1 En preservar e en metre en valor nòstre **patrimòni natural** e nòstra biodiversitat,

1.2 En preservar nòstras **ressorsas**, notadament l'aiga, particularament menaçada pel cambiament global e las activitats umanas,

1.3 En contribuir a **aténher la sobeiranetat energetica** d'aquí a 2030.

2. Promòure una economia innovanta e resilienta, circulara e neutra en carbòni, sostenguda per la transicion numerica.

2.1 En investir dins una **economia circulara de primièr plan**,

2.2 En assegurar un **amainatjament equilibrat del territòri**,

2.3 En sosténer **los actors socioeconomicos dins los sectors estrategics** de nòstre territòri e en favorizar las sinergias entre eles.

3. Melhorar l'inclusion dels ciutadans en facilitar lor participacion e per la promocion de nòstra diversitat culturala.

3.1 En promòure las valors euroregionalas e la participacion ciutadana,

3.2 En obrar per mai de solidaritat en sosténer **la coneissença e los escambis** entre totes los agents del territòri,

3.3 En donar als joves un ròtle clau dins l'Euroregion,

3.4 En promòure **l'innovacion culturala, la diversitat culturala e lingüistica** euroregionala.

4. Respondre a l'ambicion mediterranèa de nòstres territòris.

4.1 En trabalhar per situar **l'Euroregion coma actor obèrt a la cooperacion en Mediterranèa**,

4.2 En se posicionar coma **un actor de referéncia** dins totes los grands malhums estrategics europèus e mediterranèus.



Foto Castres

Aquesta fuèlha de rota 2021-2030 constituís doncas una oportunitat unica d'afortir la vocacion europèa de l'Euroregion, al benefici de sos abitants e de ganhar en reconeissença al prèp de las institucions de l'Union europèa e internacionalas. L'Euroregion a per ambicion de venir un vertadièr laboratòri de practicas innovantas, amb una vision de longa durada al servici de la mesa en òbra de las estrategias europèas en s'inscriure dins l'encastre dels programass europèus al sud d'Euròpa e a vocacion mediterranèa.

En tot velhar a la presa en compte de sas especificitats territorialas, l'Euroregion se vòl aital obèrta a cooperar e a s'associar amb autras regions segon la formula que siá mai adaptada als interèsses e las necessitats de cada cas. Per çò qu'es de las euroregions e de las autras rets de natura europèa e mediterranèa, l'Euroregion vòl cooperar amb elas dins la recèrca de solucions innovantas que permetràn de relevar los desfises de deman.

L'Euroregion metrà en òbra sa fuèlha de rota a través l'escambi de bonas practicas, la realizacion d'accions conjuntas amb sos sòcis e lo desvolopament de projèctes europèus tant coma la cooperacion amb d'autres territòris, malhums e euroregions.

Aquel es lo compromís de tota una Euroregion.

Carole Delga



Presidenta de l'Euroregion

Presidenta de la
Region d'Occitània /
Pirenèus-Mediterranèa

Foto © Philippe Grollier / Region d'Occitània /
Pirenèus-Mediterranèa

Francina Armengol



Presidenta del Govern
de las Illas Balearas

Foto © Govern de las Illas Balearas

Pere Aragonès



President de la Generalitat
de Catalonha

Foto © Govern de la Generalitat de Catalonha

Perpinhan, junh de 2021

La fuèlha de rota de l'Euroregion Pirenèus-Mediterranèa Bastir un futur resilient d'aquí a 2030.

L'Euroregion Pirenèus-Mediterranèa met doncas en òbra una fuèlha de rota ambiciosa per son territòri que li deu permetre de respondre d'aquí a 2030 als desfises climatics, ecologics, economics, socials e democratics.

Per aquò, l'Euroregion s'apièja sus un territòri innovant e dinamic, que pesa sus la scèna europèa gràcias a una posicion estrategica clau de per sa geografia e sas riquesas.



Mai de 15 milions d'abitants en 2019 sus 110 000 km².



Un ecosistèma de l'innovacion, de la recèrca e universitari de primièr plan, amb 700.000 estudiants, professors e cercaires, e d'universitats de primièr reng al nivèl europèu.



Mai de 35 espacis naturals terrèstres, marins e litorals, siá mai del quart de son territòri e una Ret Natura 2000 importanta que cobrís mai del quart de sas airas terrèstras.



La participacion de totes aqueles actors als espleits principals de l'innovacion europèa amb 1,1 miliards d'èuros mobilizats sul programa Horizon 2020.



Un pes economic de primièr òrdre amb 400.000 MEUR de PIB en 2019.



D'infraestructuras de recèrca europèas e internacionals de primièr òrdre coma lo Centre europèu de ressorsas biologicas marinas ; l'Agència Espaciala Europèa ; lo sincrotròn Alba ; lo subrecomputador Mare Nostrum ; lo centre de coordinacion ITER ; lo sistèma d'observacion costiera de las Illas Balearas, etc.

Aquesta fuèlha de rota euroregionala 2021-2030 se declina en plans d'accions pluriannadièrs dins los que las ressorsas financièras e umanas necessàrias, tant coma las resultas esperadas, son definidas per tal d'aténher los objectius fixats. Aquesta fuèlha de rota deu permetre a l'Euroregion de renfortir son posicionament a l'escala europèa e mediterranèa. Propausa tanben una governança novèla qu'intègra dins aquesta reflexion los actors economics euroregionals e los ciutadans.

L'Euroregion orienta sas accions fins a 2030 su 4 axes prioritaris, 12 objectius estrategics e 31 objectius operacionals.

1.

Respondre a las urgéncias climaticas, ambientalalas e accelerar la transformacion ecologica e energetica dels nòstres territòris.



Rica de paisatges e climats variats, l'Euroregion es un territòri constituït d'espacis e de ressorsas naturals preservats mas fragils, que deu accelerar sa transicion ecologica per respondre a las crisis climaticas e ecologicas.

1. Respondre a las urgències climaticas, ambientalas e accelerar la transformacion ecologica e energetica dels nòstres territòris.

Objectius estratègics e objectius operacionals

1.1 Preservar e metre en valor nòstre patrimòni natural e nòstra biodiversitat.

L'Euroregion es un territòri que se deu de preservar sa biodiversitat, per respondre tant als objectius internacionals fixats per l'ONU a l'entorn dels ODD, coma a aqueles fixats pel Pacte verd de l'Union europèa o encara per l'estrategia europèa Biodiversitat. L'Euroregion se deu téner tanben a metre en valor son patrimòni natural en sensibilizar sa populacion, los joves en particular, sus sa riquesa e sa fragilitat.

1.1.1 En intensificar la preservacion e la restauracion dels ecosistèmas, en protegir las espècias e zònas menaçadas (aigas terrèstras e marinas, zònas marinas e costières, zònas de montanha), en lutar contra l'afondrament de la biodiversitat.

1.1.2 En renforçar la produccion de coneissenças, los malhums euroregionals de recèrca e la sensibilizacion del public a la biodiversitat.



© S. Pérez - Generalitat de Catalonha

1.2 Preservar nòstras ressorsas.

La preservacion dels bens comuns e mai particularament de la ressorsa en aiga, particularament menaçada pel cambiament global e las activitats umanas, constituís una prioritat euroregionala.

1.2.1 En agir sus la gestion de la ressorsa en aiga, en centrar sos esfòrces sus las economias d'aiga, sa gestion durabla e tanben lo melhorament de sa qualitat.

1.2.2 En acompanyar las produccions agricòlas, alieuticas, aquacòlas e forestières localas dins lor necessària adaptacion al cambiament climatic.

1.2.3 En sosténer los agricultors, pescaires, silvicultors e l'ensemble de la cadena de produccion alimentària e de la silvicultura dins la transformacion de lors practicas per, aital, tirar cap a de practicas durablas, justas, solidàrias e respectuosas de l'entornament.

1.3 Contribuir a aténher la sobeiranetat energetica.

L'Euroregió vol contribuir a assolir la sobirania energètica abans del 2030 al seu territòri.


1.3.1 En facilitar la cooperacion entre projèctes pilòts per la produccion d'energia renovabla sus son territòri.

1.3.2 En sosténer las accions ciutadanas de produccion e de consumacion d'energias renovablas localas.

1.3.3 En favorizar una transicion justa pels ciutadans, en disminuir la consumacion energetica principalament de las abitacions, gràcias a las innovacions.

2.

Promòure una economia innovanta e resilienta, circulara e neutra en carbòni, sostenguda per la transicion numerica.



L'Euroregion vòl bastir una economia resilienta e dinamica en accelerar la transicion cap a una economia circulara, neutra en emissions de carbòni, sostenguda per la transicion numerica, e mai globalament mercés a l'innovacion.

2. Promoure una economia innovanta e resilienta, circulara e neutra en carbòni, sostenguda per la transicion numerica.

Objectius estrategics i objectius operacionals

2.1 Investir dins una economia circulara de primèr plan.

Las prioritats del pacte verd de l'Union europèa mas tanben los investiments principals de sortida de crisi Covid, dont lo plan Next Generation EU, se centran notadament a l'entorn de l'economia circulara e de sa capacitat a respondre als enjòcs de desvolopament durable. Nos incitan a reduir nòstra emprenta per tirar cap a d'emissions neutras en carbòni.

2.1.1 En perlongar la valor de las ressorsas produsidas gràcias a la diminucion de produccion de degalhs.

2.1.2 En donar la prioritat a la gestion globala del cycle de l'aiga qu'intègra sa gestion, sa preservacion e sa qualitat.

2.2 Assegurar un amainatjament equilibrat del territòri.

L'atractivitat de l'Euroregion se tròba dins sa capacitat a promoure un desvolopament armoniós, complementari entre sas diferentas compausantas, litoralas e interiors de las tèrras, zònas de montanha, insularas e continentalas, urbanas e ruralas. Son ròtle de territòri innovant, durable passa per aqueste equilibri juste. Deu tanben assegurar que sa riquesa economica ligada a la mar siá durablament entretenguda.

2.2.1 En privilegiar una gestion integrada e equilibrada del territòri, que favorize los ligams entre mitans rurals e urbans, e que religue sas zònas interioras, sas zònas de montanha, son litoral e sas islas.

2.2.2 En centrar sos esfòrces suls sectors claus de l'economia blava responsabla coma la produccion de la mar, la biotecnologia blava, la coneissença costiera e sa gestion, las energias renovelablas, entre autres, l'idrogèn verd.

2.3 Sosténer los actors socioeconomicos dins los sectors estrategics del nòstre territòri en favorizar las sinergias entre eles.

L'Euroregion dona la prioritat a tres sectors estrategics, la bioeconomia, la santat e lo torisme, que son aqueles qu'identifica l'estrategia euroregionala d'especializacion intelligente. La crisi sanitària e economica a mes en lum los sectors mai fragiles e aqueles essencials per nòstre avenir. L'Euroregion deu sosténer los actors socioeconomicos de nòstre territòri e favorizar las sinergias dins aquestes sectors claus.

2.3.1 En sosténer la bioeconomia, l'Euroregion optimitza l'usatge e la gestion eficienta de sas ressorsas naturalas e de sas matèrias pimièras renovelablas.

2.3.2 En cooperar dins lo sector de la santat basat entre autres sus una silver economia novèla (economia dels seniors) a l'entorn de l'e-santat, de la biosantat, e de las iniciativas de santat e biodiversitat, etc.

2.3.3 En transformar l'Euroregion en una destinacion toristica sana, segura, durabla e dinamica.



© J. Bargalló - Catalonha

3.

Melhorar l'inclusion dels ciutadans en facilitar lor participacion e per la promocion de la nòstra diversitat culturala.



L'afortiment de la participacion ciutadana es una prioritat per l'Euroregion. S'agís en efèit de metre los ciutadans al còr del projècte euroregional per tal de lor permetre d'i participar plenament e aital promòure las valors comunas qu'animan las regions sòcias. L'Euroregion vòl tanben metre en valor sa diversitat culturala e totes sos sectors culturals e innovants en promòure una identitat euroregionala mediterrànèa.

3. Melhorar l'inclusion dels ciutadans en facilitar lor participacion e per la promocion de la nòstra diversitat culturala.

Objectius estrategics e operacionals

3.1 Promòure las valors euroregionalas e la participacion ciutadana.

L'Euroregion s'estaca a l'ora d'ara a implicar mai los ciutadans a l'encòp dins sas accions e tanben dins la definicion d'una part de sa politica de cooperacion e dels projèctes prioritari.

3.1.1 En crear de projèctes participatius per encoratjar la participacion dels ciutadans, principalament dels joves.

3.1.2 En obrar per l'egalitat reala entre las femnas e los òmes.

3.1.3 En difusar las valors europèas al prè de los ciutadans de l'Euroregion gràcias a una comunicacion adaptada al grand public.

3.1.4 En s'estacar a faire conèisser son accion e la maivalença de la cooperacion territoriala europèa per sos territòris al prè de l'Union Europèa e dels malhums europèus e mediterraneus.

3.2 Obrar per mai de solidaritat en sosténer la coneissença e los escambis.

L'Euroregion deu, per sas politicas publicas, obrar per mai de solidaritat en sosténer la coneissença e los escambis entre totes los agents del territòri.

3.2.1 En obrar per mai de solidaritat, en afavorir notadament l'obertura, la coneissença mutuala contra las paurs e lo replec sus se, en promòure l'interculturalitat e la diversitat.

3.2.2 En promòure la coneissença e los escambis entre govèrns, ciutadans, associacions, actors socioeconomics, comitats economics e socials regionals de l'Euroregion.

3.2.3 En encoratjar de biais novèls de crear de coesion per la cultura e la promocion de formas novèlas d'entreprenariat coma dins l'economia sociala e solidària.

3.3 Donar als joves un ròtle clau dins l'Euroregion.

L'Euroregion dona la prioritat als joves per de que constituïsson lo futur de nòstre territòri. L'Euroregion lor vòl doncas donar una plaça preponderanta.

3.3.1 En intensificar sa politica de mobilitat e en favorizar los escambis e la mobilitat dels estudiants, dels joves aprendisses, dels joves en insercion e dels liceans.

3.3.2 En sosténer sas universitats per mai de cooperacion al nivèl europèu e per tal, tanben, de preparar los estudiants e los joves cercaires als enjòcs novèls de la formacion, e en los incitar a cooperar entre elas al nivèl europèu.

3.3.3 En encoratjar la cooperacion entre los joves entrepreneires e las oportunitats d'emplec pels joves en promòure las ofèrtas d'estagi dins las empresas de l'Euroregion.


3.4 Promòure l'innovacion culturala, la diversitat culturala e lingüistica euroregionala.

Per assegurar l'espompiment de sos ciutadans, l'Euroregion acompanha lo sector de la cultura per una difusion e una coneissença melhora de las nòstras arts e dels nòstres artistas. L'Euroregion privilègia tanben sas lengas que son lo veïcul del saber e de son istòria. En fin, l'Euroregion s'enriquís de las autras culturas per èsser encara mai atractiva e inclusiva.

3.4.1 En sosténer las industrias creativas euroregionalas, la creacion artistica e sa numerizacion ; totes formas de culturas, tant coma lo patrimòni material e immaterial euroregional.

3.4.2 En estimular la practica e los escambis entre los joves a l'entorn de las lengas e de las culturas euroregionalas e en facilitar l'integracion sociala e los escambis a través de la diversitat culturala e lingüistica.

4. Respondre a l'ambicion mediterranèa de nòstres territòris.



Los territòris de l'Euroregion de per lor posicion geografica son totjorn estats virats cap a la Mediterranèa.

Amb aquesta fuèlha de rota, aqueste bacin, tant economic coma environamental, cultural e social, vital per l'Euroregion, deu venir la prioritat de l'accion politica euroregionala.

4. Respondre a l'ambicion mediterrànica de nostres territòris.

Objectius estratègics e operacionals

4.1 Situar l'Euroregion coma un actor obèrt a la cooperacion en Mediterranèa.

L'Euroregion se posiciona per totas sas prioritats sus la Mediterranèa per tal de venir un actor de referéncia al caireforç d'Euròpa e al nòrd-oèst de la Mediterranèa en particular.

4.1.1 En consolidar son perimètre territorial e en aprigondir sos partenariats amb de territòris terrèstres e insulars en Mediterranèa que partejan nòstras valors comunas.


4.1.2 D'un autre costat, l'Euroregion se vòl un territòri obèrt sus d'autres culturas e d'autres territòris. Vòl partejar son istòria mas tanben integrar de formas novèlas de sabers e d'autres apròchis culturals.

4.2 Se posicionar coma un actor de referéncia dins totes los grands malhums estratègics europèus e mediterrànics.

Per tal d'amplificar son accion e d'èsser encara mai visibla, l'Euroregion participa e es motritz dins los grands malhums de territòris a l'escala mediterrànica mas tanben europèa.

4.2.1 En amplificar sa preséncia suls enjòcs politics europèus grands e mai particularament en Mediterranèa notadament al dintre de la MedcoopAlliance.

4.2.2 En participar notadament a la governança de programas grands de cooperacion territoriala europèa e de politica de vesinatge.



© Govern de las Illas Balearas



EUROREGIO*

Pirineus Mediterrània
Pyrénées Méditerranée
Pirineos Mediterráneo



Euroregion Pirenèus-Mediterranèa AECT
El Centre del Món
35, Boulevard Saint Assisclé
CS 32032 66011 Perpignan Cedex
França
www.euroregio.eu

ig @euroregionpm
tw @euroregion
fb @euroregio
yt @Euroregio
in @Eurorégion Pyrénées Méditerranée -
Euroregió Pirineus Mediterrània